

Alkitab Buat Bocah

Nampilin



Waktu
nyeng
Nyedihin
buat Yesus



Nyeng nulis: Edward Hughes

Nyeng bikin gambar: Byron Unger; Lazarus
Alastair Paterson

Nyeng nyocokin: M. Maillot; Sarah S.

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.


Perijinan: Enté boleh ngegandain atau nyetak ini cerita,
selama enté kagak ngejualnya.




Pas Yesus
dipermandiin
ngomonglah Allah
"Ini Anak-Ku
nyeng paling Aku
kesianin, sama
Dia itu Aku
cocok". Turunlah
Roh Kudus dalem
bentuk burung
merpati.



Seabis itu, Roh Kudus ngebawa Yesus ke padang gurun. Yesus dewekan.



Yesus puasa empat puluh hari. Dia
tidak makan apa-apa. Dia jadi
lapar sangat.




Injil juga bilang kalo Iblis juga ada disono.



Iblis dateng buat nguji Yesus.
Dulu Iblis nguji Adam ama Hawa
buat kaga nurut sama Tuhan di
taman Firdaus. Sekarang Yesus
juga diuji.






Iblis terus aja
usaha buat nguji
termasuk Yesus,
Anak Allah.

A cartoon-style illustration of Jesus in the desert. He is shown from the waist up, wearing a white robe and a brown sash. He has a dark beard and hair. He is looking down at his hands, which are clasped together. He is standing on a sandy ground with some grey rocks. In the background, there are dark grey mountains under a bright blue sky.

Kata iblis itu "Kalo Engkau itu Anak Allah ubah batu ini jadi roti". Iblis tau kalo Yesus itu lapar bangat. Iblis tau kalo Anak Allah bisa ngubah batu jadi roti. Kira-kira Yesus bakal nurut sama Iblis?



Kaga! Yesus kaga mao nurut sama Iblis. Malahan,
Dia ngejawab pake kalimat Tuhan "Manusia idup
bukan cuman dari roti doang tapi dari tiap kalimat
nyeng keluar dari mulut Allah".



Lantas Iblis ngebawa Yesus ke kota suci Yerusalem.
Ke bubungan Bait Allah tempat orang muji-muji
Allah. Apa nyeng bakalan dikerjain Iblis abis ini?



"Kalo Engkau itu Anak Allah,
jatohin diri-Mu ke bawah"
bilang Iblis. "Karena ada
ketulis kalo malekat-
malekat-Nya bakalan
nyelametin Engkau".



"Kaga" jawab Yesus. "Ada juga ditulis... Jangan kamu nguji Tuhan Allahmu!"





Iblis usaha nguji lagi. Dia ngebawa Yesus keluar kota ke gunung nyeng tinggi bangat.



Dia ngebawa Yesus ke tempat nyeng tinggi dan ngasih unjuk semua kerajaan dunia, bilangnya "Bakalan aku kasihin ini semua sama Kamu kalo Engkau nurut ama nyembah-ku".



"Pegih kamu dari Aku, Iblis!" perentah Yesus. "Ada ditulis... Engkau kudu nyembah Tuhan Allahmu dan cuman sama Dia aja engkau setia".



Iblis ninggalin
Yesus sebentaran.
Lantas ada kejadian
nyeng bikin kagum.
Tuhann ngirim
malekat-Nya
buat nemenin
Yesus Anak
Allah nyeng
kaga mao
ngedengerin
kata-kata
Iblis.



Waktu nyeng Nyedihin buat Yesus
Sebuah cerita dari perkataannya Tuhan, Alkitab

Ditemuin di

Matius 4, Lukas 4

“Palang pintu Firman Engkau ngasih terang.”
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

